



Lit. Lat. rec. A

712<sup>m</sup>

15 820

56

Rep. LXII A.

Z. no. 49.



3  
BIBLIDOS

*Sive*

MIRACULORVM  
DIVINORVM

Serie Biblica

descriptorum,

LIBER III.

Geneseos inde à 37. ad finem vsq; reliqua, hoc  
est, Iosephi historiam, miraculorum ple-  
nam, complectens capita.

EDITVS

à

M. ANDREA CALAGIO  
VRATISL.

Poëta Cæs. Laureato.

*Non sine Privilegio, quo ex gratia Cæs. Autor  
fruitur peculiari.*

Recusus

*In Officina Typographica  
Georgij Bauman.*

ANNO

M. D. C.





NOBILI GENE-  
RE, PRAESTANTI VIR-  
TVTE, MORVMQ. ORNA-  
MENTIS EXCELLENTI.

Dn. IOHANNI PUCHE-  
RO, PATRICIO VRA-

tisl. Domino suo obseruando.



*Aud opinor, quenquam offensum iri, quòd Mira-  
culi vocabulo, titulis assignato, liberius uti vide-  
ar, cum non cuius subiecta materia, miraculosa  
quid manifestè representet. Instituta narratione  
Biblica, nolim quicquam, obseruatione maximè  
dignum, doctrinarumq; plenum, praterire. Sic  
tertio isthoc Libello integram Iosephi historiam tractare placuit:  
Quam si quis miraculosam neget, Deum esse, neget necesse est, qui  
non semper loquens expressè, ut ad superiores Patriarchas, & dein-  
ceps Moysen atq; Prophetas; sed agens mirabiliter, & sese mul-  
tis modis patefaciens, efficax est. Vnde non minùs, postquam ver-  
bo nos suo esse contentos, nec peculiare revelationes expectandas,  
voluit, si quando quid magni vel in hominibus, vel alijs creatis ope-  
ratur, ad ipsum omne est referendum. Stoici sanè causis secundis,  
quæ nos Deo adscribimus. Idcirco hoc nominis, ut antecedentibus,  
ita consequentibus, ademptum nolumus, jure quodam. Certè per  
somnia sæpenumerò Patribus locutus est Deus: Ita quoq; Iosepho.  
Locomotiuæ gubernatio, ab alterius uxore abstinentia, futurorum  
scientia, liberatio ex arumnis, conseruatio in difficultatibus publi-  
cis,*

cis, pœna perfidia, premia integritatis, longævitæ, & id genus alias  
Dei Sanctiq; Spiritus opera sunt admiranda, quæ copulationi re-  
rum & coagmentationi naturæ, nisi prorsus à Deo esse velimus, ad-  
scribere, nec possumus, nec volumus. Pede itaq;, quo cepimus, spa-  
cio Genesios decurso, progredientes, maiori, Deo clementer annu-  
ente, accingimur operi. Huic autem eius parti Te nunc, genere no-  
bilis, virtute præstans, moribus prædite temperatis, ingenio &  
atate florens, decusq; iuventutis patriciæ, **IUVENIS**, patro-  
num paramus eò confidentiùs, quòd patris, summa prudentia Viri,  
deq; patria optimè meriti, vestigijs insistere te, exploratum habe-  
mus. *Vivas utinam, spes olim Reipub. non postrema; Pieridesq;, delicias tuas, ornare & fouere pergas. Vratis. Anno 1596. 13. April.*

**T. P.**

**Colens**

**M. Andreas Calagius  
VratisL.**

# BIBLIDOS LIBER

## III.

### I. MIRACVLVM.

*Ioseph, patri inprimis charus, gregeſq; viſendi gratia emiſſus; peſſimè autem ob ſingularem corporis cultum, ob inuidioſa ſomnia, à fratribus acceptus, imò denudatus, abiectus, demumq; venundatus, in exilium mittitur: Et ad fucum patri faciendum, beſtijs diſcerptus fingitur.*



Ntereà tria luſtra puer complèrat, & annum,

Pascentes ſeruare greges aſſuetus Ioseph  
Cum natis Zelphæ atq; Balæ; nec crimine patrem

Fraterno celare, ſibi magis omnibus æquum,  
Quòd genitus foret ille Seni, tunicamq; trilicem  
Pictus acu; tum cauſſa ideò nova Fratibus ortæ  
Inuidiæ, cui dicta dabant duo ſomnia vires.

Fatidica noctis ſub imagine viderat, vnâ  
Omnibus in numerum nexari farris acervos;  
Atq; ſuum campis erectum ſtare maniplum:  
Fraternos autem circùm agmine ſupplice fundi.  
Viderat & pernox, vndenos ætheris ignes,  
Atq; oculos mundi geminos, ſibi lumine prono  
Submitti: Iſtaq; viſa ſuis memorabat. Amaris  
Cùm dictis Genitor, fati haud ignarus & ævi,  
Increpitans: quænâm ( inquit ) iò portenta renarras?

A 3

Ecquid

Ecquid uterq; Parens, ecquid fratrum, ordine supplex,  
Turba, tibi volvemur humi, dominiq; superbi  
Et regis patiente jugum cervice feremus?

Hinc patrium res mira animum stimulare, novisq;  
Pectora disturbare odijs fraterna, nocendi  
Consilium dum fortê daret locus. Omne feracis  
In Sichemes herbosa pecus patrium arva vocarant:  
Ac Puer, vt speculator id exploraret & omnem  
Fortunam, ad mandata patris festinus, agebat  
Hebronis se valle. Vias vbi cultor agelli  
In notas revocare vagum, & deducere Dothen,  
Quò fuerant alterna greges in pascua pulsi.  
Iamq; propinquantis capiti funesta mouentes;  
En, aiunt, recitator adest. Quin morte peremtum  
Protinus, æthereo igne scrobi & vitio æris haustæ  
Inijcimus, dicturi, avidas lacerum vngvibus vncis  
Membratim satiâsse feras: Promissaq; somni  
Scilicet indubitata, fides manifesta sequetur.

Ast inhibens consulta Ruben, procul omine diro  
Absit (ait) tam grande nefas à fratribus absit:  
Projectum, satis esto: Iuuetq; habuisse propinqua  
Innocuas à cæde manus. Servare verendo  
Incolumem conatus ea ratione parenti.

Ergo salutantem stantes circum vndiq;, palla  
Et Tyria spoliant tunica, nudumq; lacertos  
Arenti immittunt puteo, victuq; sub umbras  
Gramineis vtcunq; toris, sua corpora sternunt.  
Ecce autem è Galaad, Mareotica regna petentes,  
Ire viatores obscurior, atq; camelos  
Portantes resinam, stacten, & aromata, pulvis  
Prodidit. Exclamansq;: Quid ò precor, inquit Iudas,  
Profuerit,



Profuerit, fuffo effe reos? Ea gratia fratrum?  
Seruitum precio ematus, eat. Rabie omnibus vna  
Pectoribus subeunte simul, fcrebe tractus aperto,  
Venijt, Ægypti procul asportandus in oras.

Rem verò ignorante Ruben, vacuamq; dolente  
Cisternam, culpante scelus, moerente solutis  
Vestibus, ac loca cuncta suis implente querelis;  
Nec, quid agat jam, quove fuga se vertat, habente;  
Cæde cruentantes hoedi Multicia, patrem  
Ad stupidum nouitate mali, misère, rogatum,  
Hæc natine reperta sui censeret. At ille  
Exululans: Agnosco mei velamina nati,  
Reliquias, & signa, dati letho, vngue ferarum,  
Ac merfi heu viuo truculenta in viscera busto.  
Dixit, & abscissa turpatus veste, nec vllò  
Natorum alloquio luctum positurus acerbum,  
Addidit: Extincto Stygias comes ibo sub vmbas.

## II. MIRACVLVM.

*In Ægyptum deportatus Ioseph, & ab heri uxore, pro-  
pter formæ excellentiam, perditè amatus; Sed nequicquam  
ad stuprum sollicitatus, ac, cum posthabito profugisset pal-  
lio, grauissimè de vi accusatus, in carcerem diuturnum  
compingitur.*

Sic Furijs vbi flammæ animos vlticis amore  
Incensos fraterna odia expleuère, timendi  
Non habita ratione patris; foetuq; gemello  
Impleuit (nec spontè) nurum, deceptus Iudas:  
Multiuago foecunda gradu mercator Eous  
Intrârat tepidæ arua Phari; stabatq; Spadoni  
Ad cyahum Puer emtus hero: Dum flore iuventæ  
Integer,

Integer, atq; fauore Dei, cumulantis ob ipsum  
Successuq; opibusq; lares, maioribus aptus  
Officijs, data scepra domus curator, haberet.

Iamdudum frons plana, comæ per eburnea fusæ  
Colla, supercilia atra, rofas æquantia labra,  
Insignes candore manus, certantia stellis  
Lumina, vernantesq; nova lanugine malæ  
Illius, intulerant animo graue vulnus herili.  
Putipharis famulum vxor amat: latet ossibus imis  
Pestis edax, miseroq; quies haud vlla furori  
Monstrat opem: Dum fassa sui petulanter amoris  
Proh fructus, oculis blandita, poposcit Ephebum.  
Ille negans: Duntaxat opum, rerumq; tuarum  
Cura, tui data nulla mihi. Non emero tanti,  
In dominam sceleratus heri peccasse minister.  
Dixit. At ipsa semel sumtis conatibus obstans  
Quotidiè, impatiensq; moræ, quo cardine cunq;  
Illecebris surdas prætentat inanibus aures.

Fortè dies est visa viam præbere procaci  
Nequitia. Iuvenem solito de more, nec vllò  
Participe, exercebat opus, penetralibus imis.  
Illa novos molita dolos, cum stupra rogasset  
Irrita, dilapsiq; manu direpta teneret  
Pallia, nec multum cunctata, dolore repulsæ,  
Sicut erat laniata comas, lacrymisq; coactis  
Ora super mentita, sono grauiore ministros  
Atq; virum, qui fortè superveniebat ab agro,  
Conclamans: Audacter ió scelere ( inquit ) ab vno  
Hebræum spectate virum: Qui fortia sæpè  
Vincla pudicitia frustra tentauit adulter  
Blanditijs donisq; meæ; & nunc poste revulso

Irrupit,

Irrupit, quocunq; mihi vim jure paratum:  
Voce mea nisi pulsus opem clamante, relicto  
Hoc ipso ( fideiq; notam mirantibus illis  
Haud dubiam ostentabat ovans) fugisset amictu.  
Tuq; feres impunè, thori dulcissime consors?  
Non equidem tulero, ille refert, malè credulus, vxor  
Ne dubita: luet aufa, luet, seu carcere clauso,  
Cui præsum, seu morte, nocens. Nondum ore quiêrat,  
Et iam præcipitem rapiunt ad herile parati  
Obsequium famuli, quos capti gratia dudum  
Ante alios, telo invidiae stringebat acuto.  
Immeritus sub turre latet: tandemq; parumper  
Laxari, miserante Deo, officiosus ad omne  
Seruitium, positisq; manus auferre catenis,  
Et vinctos sub se custode tenere, meretur.

### III. MIRACVLVM.

*In eundem coniectis carcerem duobus regijs ministris,  
gemina interpretatur Ioseph somnia, euentu coniectura  
prorsus respondente. Alter enim regi, diem natalem agen-  
ti, ad ministerium reuocatur, alter in crucem tollitur.*

Huc etiam delicta duos traxêre; diuq;  
Poenam expectabant in carcere, regius ille  
Pincerna, hic Pistor: tacitis dum somnia certam  
Fortunæ sua vtriq; darent ambagibus vna  
Nocte fidem. Fors corda metu glaciante rigentes,  
Manè supervenines, admirabatur Ioseph;  
Cumq; doceretur causam, perplexa soporis  
Solliciti simulacra: Deo recitate, ferenti  
Signa futurorum, inquit. Ibi Pincerna: Videre  
Visus eram, triplici Vitis propagine sensim

B

Vt

Vt gemmis induta, suis mox plena racemis  
Turgebat; dextramq; calix implebat inertem  
Regius, ac pressa uva scyphum; Regiq; petenti  
Multa dabam nova. Terna dies excepit Ioseph,  
Tres penitus propago notat: memoriq;, catenis  
His liber, Regi, ante velut, statuere minister  
Ad cyathum. Modò blanda ( precor ) te quando locarit  
In solido fortuna, mei non immemor, vrge,  
Hoc insons, furtimq; meis abductus ab oris,  
Exoluar pædore. Hilari tum voce salutans  
Augurium: Tria, Pistor ait, sub imagine somni  
Plena farinarum famulante canistra ferebam  
Vertice, pistorisq; manu quæ crusta parantur  
Artifici, diversa tenens præcelsius, escis  
Innumeras pascebat aves. Tibi tristia certè  
Fata cano; Coniecto ait. Tres fiscina triplex  
Designat foles: cùm rege iubente, cruenti  
Carnificis rapiere manu, laqueoq; necatus,  
Et cruce dependens corvos saturabis ab alta.

Tertius Hesperio perfusus gurgite, Titan  
Extulerat coelo jubar, & nimium vtraq; veri  
Vatis agebantur præfagia. Namq; vocarat  
Ad natalitias epulas, sua festa, suorum  
Omne genus Pharao. Pròcerum prior odro, minorum  
Proximus inde. Strepit vario læta aula tumultu:  
Regifico luxu, Ægypti nec numine mensæ  
Stant vno; Bacchusq; sacro generosus in auro  
It circùm, & facit ipsa dies, meminisse duorum  
Carcere clausorum. Pincernarumq; magister  
Iussus adesse, datum poscenti pocula Regi:  
Ac Pistor, collum nodatus recte, voraces

Infelix

Infelix ah stirpis onus, satiare volucres;  
Expectante diu, dum surriperetur, Ioseph.

### III. MIRACVLVM.

*Gemino Rex perturbatus somnio, cum ariolos frustra  
consultisset omnes, serò pincernæ admonitu miserum ca-  
ptiuum è custodia euocat. Tum ex animi sententia abundè  
edoctus, dignitatis & matrimonij ornamentis affectum,  
à se coli secundum mandat.*

Quid? Duo transierant hyberna, volubilis anni  
Orbibus exactis, Pharaoq; tapetibus altis  
Extractus, toto proflabat pectore somnum:  
Cum fluuium se stare super, sibi visus, & imo  
Alternis prodire boves è gurgite septem;  
Sentibus has pingues juncisq; palustribus, illas  
Marginis exiles iniusso gramine pasci,  
Atq; adeò membra ore avido glutire priorum:  
Seq; sibi excutiens, & somni visa retractans,  
Luminibus redeunte videt diversa sopore.  
Flaventes septem gravidæq; cacumen aristæ,  
Vnius ruptis tunicis & cortice culmi;  
Ac totidem steriles, nec quicquam pinguibus illis  
Expletæ ventres, enascebantur avenæ.

Vt sole est expulsa quies, Rexq; anxius intra  
Limen, vbi est moris, dubios expendere casus,  
Concilio Ægypti Auguribusq; Magisq; vocatis  
Somnia visa sibi, studio exposuisset inani;  
Tum demum: Malè gratus, ait Pincerna, recordor,  
Vt mecum clausus vinclis & carcere Pistor  
Ob noxam, non falsa sui præludia fati  
Viderit in somnis: Famulusq; vt Hebræus ibidem,

Inde necem alterius certam, alteriusq; salutem,  
Eventu firmante fidem, prædixerit auspex:  
Pascit enim suspensus aves, ego munere fungor.

Vix expectato dederat finem ore loquendi,  
Regis & accitu ( decimæ tunc frigora brumæ  
Ter numerans actæ ) iam non informis Ioseph  
Veste nova, tonsisq; comis, velut anguis, & annis,  
Et positus novus exuvijs, medio adstat, & aures  
Intendens avidas ad regia somnia: Signis  
Planè eadem complector, ait. Certo omine Regi  
Præmonstrat ventura Deus. Septem ordine Vaccæ  
Corporis eximij, & turgentes semine Spicæ,  
Mensibus ornandos septem: Sed inanibus armis  
Et lassa cervice Boves, Spicæq; , vel æstu  
Pestifero, vel fortè mala rubigine læsæ,  
Heu septem spondent non æquos frugibus annos,  
Et macie siccaq; siti annonæ omnis edaces,  
Non istis duntaxat, agris sed vbiq; per orbem:  
Atq; fidem duplicata probant simulacra quietis.  
Rege igitur mandante, animi solertis & acris  
Ingenij nunc vna viro sit cura, per vrbes  
Vt frugum, hos seprem plenos successibus annos  
Lectarum, expectent quintam vacua horrea partem,  
Septenni quæ deinde fami futura superfit.

Extemplò responsa favor clamore secutus  
Confremuit, folioq; sedens lucente smaragdis  
Rex, murmur decrevit vbi gravitate iubenris,  
Orat: Eum quæ terra virum dabit? Æthere missus  
Tu nobis interpres ades divûm: Augure nemo  
Te potior, nec, quæ molimur, dignior actis.  
Tu nostræ cape iura domus; Tu præmia regni  
Solus habe; Tua iussa volens Ægyptus adoret;

Dum

Dum saltem diadema mihi soliumq; reservem:  
 Ac pariter cum voce suis beryllon ademtum,  
 Submissi ad terram digitis, colloq; monile  
 Baccatum, atq; humeris Sarranum accommodat ostru.  
 Tum biga propiore vehi, regniq; secundo  
 Curuari iubet omne genu: & cognomine dictum  
 Seruati mundi, Asenethæ facit esse maritum:  
 Putipharis quæ nata, Hyperiona thure colentis,  
 Post paulò facit esse patrem. Cùm prima Manasses  
 Ærumnæ, patriæq; domus obliuio, cretus:  
 Inde Ephraim, exilij maius solamen & augmen.  
 Ac pridem, indulgente sibi nimium vberè glebæ,  
 Terra redundantes messes mirata, fatosq;  
 Proventu sulcos onerans, atq; horrea vincens  
 Omnia, continuare suos iam ceperat annos.  
 Dum tandem assiduo igne poli feruentis hiulca,  
 Agricolam vanis eadem deluderet herbis,  
 Et victum seges ægra homini pecoriq; negaret,  
 Cum longa vbertate famem æquatura morantem:  
 Non tantum esuriente Pharo; sed ab omnibus oris  
 Huc populis alimenta sibi venientibus emtum,  
 Isaaci plenas cumeras pandente Nepote.

## V. MIRACVLVM.

*Fame passim grassante, Iacob Filios, rei frumentaria  
 caussa, mittit in Aegyptum. Qui durius accepti, prodi-  
 tionis insimulantur: Suiq; innocentia Simeonem relin-  
 quere coguntur vadem, fratrem natu minorem adductu-  
 ri. Atq; ita dimissi, cum annona precium offenderent re-  
 stitutum, turbati ad patrem, minimè exhilaratum,  
 revertuntur.*

Nec Chanaan exempta malo, fallentibus arvis  
Depositum. Natosq; vocans: Quònamusq; subactos  
Isacides tenuabit, ait, grauis ardor edendi?  
An miseros vti niqua fames necet? Ilicet ite,  
Ægyptus frumenta dabit. Iam iussa parantes,  
(Fratre, viæ impatiente, domi cunctante minore)  
Non comitum sine plebe, Phari tacta arva tenebant.  
At cuius nutu res ibant, vocibus iram  
Prætendens, ad anhela pedum simul oscula stratos,  
Qui veniant, aut vnde domo? proterret Ioseph.  
Ac patriam, causamq; viæ timido ore professos  
Agnosens, veterisq; minùs somni immemor, omnes,  
Explorare aditum prodenda in regna, venitis  
Intonat: Et rursus, culpam inficiantibus, vno  
Patre creatorum, bis sex fratrum esse, decemq;  
Emturos venisse cibum, & minimo ante parentem  
Ludente, occubuisse alium nece scilicet; instat  
Ingeminans, aditus (inquam) explorare venitis:  
Teste probo Pharaone, pedem hinc efferre nec vni  
Captorum, minimum vestri dum specto, licebit.  
Nec mora, captivisq; fugam custodia clausit.  
Emissis aurora tamen spondere salutem  
Tertia, cum Curator ait: Vos gratia (testor  
Numina) si quæ debet, alit, sponfore relicto  
In vinclis, ite, emta domum deferte, minorq;  
Quò constet suspecta fides, nec poena nocentes  
Præcipitet concepta semel, comes omnibus adsit.  
Dicta placent: paulumq; retrò facientibus orbem,  
Hos manes equidem, vnus ait, modò credite falso,  
Perpetimur; poenisq; reos exercet Erinnyis.  
Vtilitas quæ tanta fuit, tentâsse fidele

Insidijs

170

88



Insidijs & fraude caput? lacrymasq; malignis  
Fraternas spectasse oculis? Et ne qua trementi  
Vis fieret ( meministis enim ) puero, orsa vicissim  
Iniciens antiqua Ruben sermonibus, inquit,  
Quid nostræ valuere preces? nunc ausa piamus.

Hæc illi inter se iactantes dicta ferebant,  
Ignari intellecta, opera quòd ad omnia, linguam  
Ceu minus accipiens, interpretis vsus Ioseph.  
Isq; oculos aversus vbi largo imbri madentes  
Siccasset, dubios quis solueret obses? adortus,  
Cunctentur quid multa? manu Simeona prehensum  
Iniecta, quasi nil miserans, in vincla petivit.  
Clàm famulis mandata dedit, sua cuiq; supernè  
Emtorum tritico saccis turgentibus, æra  
Adijcerent, & abire opibus paterentur onustos.

Ergo suas merces ad patria rura vehentum  
Vnus vbi noctis sub sera crepuscula saccum  
Excuteret, defessum asinum farragine mixta  
Impleturus, in ore videns summo æra: Quid, hiscit,  
Æra mihi supposita, rear? Vox terruit omnes,  
Et miræ uovitate rei obrepente, quid esset  
Sollicitos confudit: hebet per corda gelatus  
Sanguis, abit mens, ora metu stant muta coorto.  
Ut voci laxata via est: O maxime rerum,  
Quæ trepidis aut læta paras, aut dira, repertor?  
Confusis genuere sonis. Sua limina tandem  
Contigerant, avidoq; patri scire, ordine longo  
Acta recensebant & pacta: Simulq; ruentes  
Effundunt frumenta, simul summo ore ligatum  
Argentum cuiusq; suum admirantur. At ille  
Vociferans: Orbum esse, gemit, me vultis. Ioseph

Non

Non superat; Simeon vinculis & carcere torpet;  
 Beniaminem, qui sola meæ pax, spesq; senectæ,  
 Hinc procul asportare procul, furor omnibus idem:  
 Mème vnum mala tanta petunt. Mihi trade timorem  
 Chare tuum Pater, ore Ruben spondente profatus  
 Ingreditur: Nisi, crede, datum tibi rexero retrò,  
 Natorum fac dede neci vel vtrumq; meorum.  
 Ille sub hæc: Non ibit (ait) malè scilicet orbis  
 Fratrem. Mihi si dulce caput qua procella feriret,  
 Vt feriunt mala multa vagos, haud absq; dolore  
 Caniciem præfente meam abripietis ad vmbas.

## V I. M I R A C V L V M.

*Necessariò, ut fratribus comitem adiungat Benjamin,  
 Iuda fidem suam interponente, acquiescit miserandus  
 Iacob. Illi profecti, cum sese periclitari suspicarentur,  
 oblatisq; muneribus, interrogati de quibusdam circum-  
 stantijs, insperato excipiuntur conuiuio.*

Intereâ sensim aucta fames crescentibus annis,  
 Crescebat quoq; mille locis. Alimenta q; rursus,  
 Quæ dederat Pharos æqua, dolens rarefcere Iacob,  
 Suffectura iubet natos properè ire paratum.  
 Tum, faciles mora nulla tenet, contrâ orsus Iudas:  
 Vnum obstat; Vir ille, Deum Regemq; vicissim  
 Testatus, nobis reditum promisit inanem,  
 Ni sua germanum comitem traheremus ad ora.  
 Id si te patiente licet, simul ibimus emtum  
 Annonam; Impatiente, pedem non movero quòquam,  
 Testandi quòd iure vetor, sine fratre reverti.  
 Tristiciam cumulare meam, superesse minorem,  
 Ille refert, dixistis, li contrâ: Ordine recto

Quærent.

Quærentem, genus vnde? Paternè superstes? & ecquis  
Restaret nostrum? qua profeceremur ab arte,  
Ignari, quos ipse dolos verfaret opertos?

Ante alios, genua ima Patris complexus, Iudas  
Castigat quoq; voce metum: Fac velle, parentes  
Exponat ne longa fames cum pignore morti.  
Vna mihi sit cura Puer, referendus; Ego vnus  
Amissum, pensabo reus: Dum longa moramur,  
Iam gressus flexisse retrò fortuna dedisset.

Tum verò: Succumbo pater; quoq; aspera ducunt,  
Fata sequor: nunc ite, graves sed fructibus ite,  
Et resinam, stacten, styracem, terebynthon odoram,  
Balsama, amygdalinasq; nuces, terræ omnia nostræ,  
Quisquis is est, portate viro, munuscula, duplo  
Cum precio, veniam fortassè merebitur error:  
Nec comitem fratrem ire, nego. Tumida ille volente  
Corda Deo domet, atq; mihi placabilis, orbo  
Interea, reduces omnes, rata gaudia, donet.  
Dixit. Et vnanimis iter arripuere secundum.

Quos vbi præsentis simul excepisset Ioseph:  
Hospitibus, promo inquit, ad interiora vocatis,  
Fac iugula pecudum omne genus, dapibusq; futuris  
Sterne toros, strue mole penum, mensasq; Liæo;  
Hunc laribus sacratio diem. At diversa trementes  
Cura coquit: Nos huc ablata pecunia claudit,  
Suspirant, & fortè doli, quibus inscia culpæ  
Turba, capi mereamur, & ad juga tristia cogi.

Ergo docent vno ore virum: Se alimenta cõemtum  
Antè etiam venisse, sed ignorare, profectis  
Quo casu cuiq; æra suus data saccus apertus  
Reddiderit? quæ dupla ferant: fandi atq; nefandi

Hoc memorem curare Deum. Deus ille, timorem  
Ponite, turbatisq; ( precor ) ne cedite rebus,  
Affluxu ditavit opum, quos debita posco  
Nulla, minister ait. Dictoq; repente solutum  
Produxit Simeona; pedes lotum omnibus haustas  
In medio defixit aquas, & pabula mulis  
Adiecit. Certam his moniti sperare salutem  
Dona parant, stantesq; tenent: & vt altior orbe  
Sol medio, quem turba comes stipabat, Ioseph  
Ingresso, sua quisq; manu, ad terram vsq; voluti,  
Prætendunt. Qui voce leui, dextraq; salutans  
Erectos: Aurisne senex vitalibus, inquit,  
Vescitur incolumis Genitor? Tibi, vescitur, aiunt,  
Sospes. Et hic, recto designans pollice stantem,  
Frater ( ait ) minor? Iste minor referentibus, instat:  
Chare mihi, Puer, opto Deum experiare benignum.  
Plura negat, torpente acie, fugiente colore,  
Assurgente coma, & quatiente trementia dudum  
Ilia singultu, vox intercisa: dolorq;  
Casuros super ora, jubet suspendere fletus.  
Quos paulum summotus, vbi siccaisset, & ægra  
Mente recollectus, dixisset tempora mensæ,  
Accubuit, primo ipse gradu: coniunctior inde  
Ordo: toros extrema Phari plebs finit, Hebræis  
Relligio quòd prisca vetet confidere mensis;  
Sede sua quævis ætas, maiorûe minorûe;  
Beniamini modò cessit honos à Fratre secundus:  
Dum dapibus vinoq; modum nox ebria ferret.



## VII. MIRACVLVM.

*Abituris, vicissim suacuiq; pecunia supponitur clanculum, non citra Iosephi craterem Beniamini adiectum. Et ex via retractis, furtiq; insimulatis, domum quidem redeundi facultas datur, sed reo relicto. Quem tandem multis precibus Iudas exolvit.*

Exoriens Aurora diem reuehebat; & ipsis  
Se properos, asinosq; viae expedientibus, Augur  
Iam se matutinus agens: Age, dixit, ituros  
Serue graua, argentumq; suo, clam cautus, vt antè,  
Cuiusvis absconde loco, ipsorumq; minori,  
Cum precio, suppone scyphum, quo providus vtor.  
Præceptum, obsequio celer, ille faceffit herile:  
Nec longè digressi ierant; reuocansq; ministrum,  
Imperijs alijs herus increpat: Ocyus iret,  
Ac multo clamore viros sequeretur, amicis  
Ingrati temerè officijs, cur damna rependant?  
Quam pateram furto abstulerint, domini esse, suëtus  
Qua bibat, & secreta suo petat omina coelo;  
Iam pensent mercede nefas: cunctisq; prehensis  
Inculcat repetita. Gradum tenuère repressum  
Attoniti, mixtoq; queant quî tanta piacla  
In justos cadere? ore rogant. Nunc quippe relatam,  
Inventum precium antè, nec, hoc quòd cardine fures  
Esse velint, caussam esse. Ageret, vel protinus omnes  
Excuteret; lueretq; reus morte ausa, daturis  
Colla jugo reliquis seruilia. Proprius ensis,  
Excipit hic, jugulet meritos: Quemcunq; repertus  
Arguerit scyphus, ille mei feret acria captus  
Seruitia enixè domini; nec culpa nocentis

Infantes qua mole premet. Simul omnia stantum  
Exonerat iumenta, simul scrutatus, adulti  
A ferie ad minimum vsq; reum hunc deprendit. At illi  
Vestibus abscissis, & brutis rursus onustis,  
Conversos legere gradus. Ac primus Iudas,  
Cum dubium facinus, proiectis corpora terræ,  
Securisq; sui augurij, exprobraret Ioseph,  
Vultu iram confessus: Habe nos corpora, clamat,  
Serva tibi: Nec enim, quod prætendamus, habemus;  
Ad poenam trahit æqua Dei vindicta nocentes.

Mancipio furem, ille, dico, æternumq; dicabo;  
Immeritis ignosco libens, donoq; recursum.  
Tum supplex, veniam præfatus, inertia rerum  
Ex alto movet acta: Data est vbi copia primùm  
Hospitibus, tua, chare Deo, coram oratueri;  
Quærebas, essetne domi pater? insuper esset  
Frater? Et, esse senem, puerumq;, vtriusq; parentis  
Delicias, alium pridem cassum æthere, falsis  
Mandabas, vt deinde tibi cernendus adesset:  
Solliciteq; patris nimium excusantibus, huius  
Iacturam qui morte pari pensaret, amorem;  
Si memores dicti, reditum sine fratre negabas.  
Atq; domum præcepta quidem portavimus ista:  
Sed mox decrescente penu, cum denuò patri  
Ire juberemur, cunctantes fratre relicto,  
Lamentis his, hosti etiam lacrymabilis, vrsit:  
In gremium mihi chara, vteri duo pignora, coniux  
Reddidit: alterutro, præda, si credo, ferarum,  
Destituor pridem; alterutrum malè crimine vestro,  
Si qua vocant aduersa, vocor manifestus ad umbras.  
Ergo meo hoc sine fratre, animæ, mihi crede, paternæ  
Dimidio,

Dimidio, miseresce, redux ac sponsor inanis,  
Ad Styga cum gemitu miseros detraxero canos.  
Quàm melius mea colla tuo, modò fratre redempto,  
Assero seruitio, patrij discriminis exors.

## VIII. MIRACVLVM.

*Fratribus se confessus Ioseph, ut Patrem eant adductum,  
sua sponte, & regis iussu, mandat. Via accinctis dona,  
iumenta, atq; plaustra adiicit. Ipsi domum reversi, &  
Iosephum vivere nunciantes, Senem gaudio reddunt  
delibutum. Qui se via, manifesto presertim Dei monitu,  
committit, ac Filium tandem habet obvium.*

Plus æquo suspensum animum occultauerat ille:  
Cùm fictæ cecidère minæ, turbaq; remota,  
Vt fratrum priuata forent ea gaudia, clara  
Voce, pio fletu ora rigans: Ego frater Ioseph  
Vester; ait. Sed, fama, patrem mihi viuere, verâne?  
Et, mutis terrore, modoq; loquentis; Adeste,  
Ingeminans: Ego frater, ait malè venditus ære.  
Sed benè habet, sedate metum. Non numine læuo  
Præmissum huc me, vestra salus. Nunc præpete cursu  
Ingratas pensate moras, & mitia nati  
Amissi, perferte patri mandata: Quid hæres,  
Ad dominum migrare Phari, victurus, & agro  
Sessurus Gessen, quo non foecundior vnum  
Te pascet cum prole, greges, armenta, ministros?  
Annorum, Pater, ista fames exacta duorum,  
Nulla fuit: Pigro accensi vitio aëris instat  
Quinq; secuturis grauior longè. Omnis aratro  
Suspensio cessabit humus, rubigine falces

Rodentur; non poma comis arentibus arbor  
Vlla feret; non, imbris egens, sua gramina campus;  
Non vineta suas nudis in collibus vuas:  
Posthabita morière Pharo. Istius ergo potentem,  
Progeniem visure, veni: Sic fatus, & vlnis  
Beniaminem complexus, honestaq; , fluminis instar,  
Fletibus ora rigans vndantibus, ordine pulcro  
Blanda petendorum surrexit ad oscula fratrum.

Iam lætam vulgata novæ compleverat aulam  
Fama rei; hospitibusq; dapes in tecta vocatis  
Interiora parans, & sede locatus eburna,  
Multa super Seniore, super Genitrice, superq;  
Cùm Chanaan rogitàisset humo Rex, talibus vltro  
Acclivem propiore toro, hortabatur Ioseph:  
Frumentis, opibusq; tuos dimitte volentes;  
Hucq; domo aduentare jube cum stirpe parentem,  
Vt nobis ditetur, & vt terræ optima carpat.  
Foemineo, teneroq; gregi, rebusq; per artem  
Omnibus, vt mora nulla viæ, da plaustra vehendis.

Colloquijs, epulisq; quies vbi venit, & ortu  
Sopitis Aurora diem prægressa, tulisset:  
Hic celerans mandata, stolas jam jam ire paratis  
Duplicat, & quinis auri subtegmine, largus  
Beniaminem, magno argenti cum pondere, donat:  
Munus idem dat ferre Patri. Sed & addit asellos  
Bis sexus vtriusq; decem. Quorum illa potentis  
Ægypti pars portet opes: dorso ista ministro  
Pars triticum, & diuersa vehant alimenta viarum:  
Quas ineant sine lite, monet. Successibus ipsi  
Dudum alacres, notum relegunt iter. Atq; penates  
Vt primùm irrupère, pari conamine clamant:

Euge



Euge, Pater, recreare: tuus tibi Filius, ille  
Defletus, magnaq; Phari regione potitus,  
Luce sua fruitur, & te nostro ore salutat.

Qualis vbi immodico victum languore veterni,  
Implet imaginibus, manifesta q; gaudia spondet,  
Spe vix se cohibente, quies: vbi somnus abactus,  
Fallit, & heu sero suspendit pectora voto;  
Eventum fortuna ferens dum fortè sequatur:  
Talis ea ad memorata Senex inopina, caducæ  
Ambiguis rationis inops affectibus errat;  
Nec credit miser ipse sibi, simulacra foporis  
Vana ratus, dum certa palàm rerum acta locutis  
Ordine, & in vacua ossa suo redeunte calore,  
Munera missa tuens, lacrymosa q; gaudia mentis  
Voce triumphantis modica testatus, hiaret:  
Hoc maius quid honore Deus mihi? Ducite, visum  
Ibo meum natum antè, pias quàm mittor ad vmbas.

Secum igitur sua cuncta trahens, de nocte quievit  
Ad Testis puteum. Hicq; Deo Patris, exta bidentum  
Cæsa ferens, spargente iubar per opaca locorum  
Luce repercussum, & repetito nomine, sese  
Confessus præstò esse, cauis vocem auribus haurit:  
Ne trepides; Ego namq; tui Deus ille Parentis.  
Me gressus moderante tuos illucq;, retroq;,  
Ægyptum ingrediare, mihi gens magna futurus:  
Faxo, Senis fessi cava lumina claudat Ioseph.

His monitis molitus iter fatale, rotisq;  
Septuaginta animas sobolis simul atq; nepotum  
Asportans, Nili iussas tandem attigit oras.  
Adventum tamen antè suum qui certior autor  
Indicet, ire placet: Quæ munera fortis Iudas.

Spontè

Spontè subit, fratriq; hilaris se nuncius offert.  
 Is properè sublatus equis, occurrit, & hærens  
 Amplexu, lacrymis patrem gaudentibus implet;  
 Hæc q; facit non multa loqui: Tua, nate, tueri  
 Quandoquidem coràm ora datum mihi, nolo, quid ob-  
 Cur morer invisam, te nempe superstite, vitam? (stet,  
 Vt pietas satiata mora subsedit, & umbris  
 Discussis vtrinq; suæ lux reddita menti;  
 Paulisper nunc, Augur ait, dirimamur, & index  
 Regi ibo: Cum patre, tori & consortibus, omnis  
 Progenies, simul axe vehens sua, remq; laremq;  
 Tantùm ovibus fontes & pascua quærere sueti,  
 Finibus applicuère tuis. Ipsiq; roganti,  
 Quod soliti faciatis opus? modò pauca: Magistri,  
 (Quos odit gens ista) ovium, pastoribus orti,  
 A pueris sumus inde, tibi seruire parati.  
 Nec dubium, quin terra, Phari qua nulla colonis  
 Contigerit magis apta novis, erit hospita Gessen.

## IX. MIRACVLVM.

*Isræelitis à Rege sedes assignatur certa; & in omni re-  
rum abundantia viventibus, A Egypj esurientes, servi-  
tuti se subiiciunt. Iacob, ut corpore laxatus, ad Patrum  
referatur sepulcra, exorat: filijsq; Iosephi adoptatis,  
prospera precatus, solum Sichemitarum testamento  
legat.*

Hæc fatus, dicta ipse gerit sua, fratribus aulæ  
 Secreta in mediæ penetralia, quinq; vocatis.  
 Rexq; alia ex alijs quærendo, vbi multa moratus:

Accitu

Accitu nostro Patrem intervalla locorum  
E mensum tot, habere jube sedem, optima regni  
Quæ nostri non segnis humus, fert pabula, Gessen:  
Sitq; mei, quicunq; gregis vigil aduena, custos.  
Sed Genitor cur tardus abest? Is vt adstitit, antè  
Rege salutato, consultus tempora vitæ:  
Centum & ter denos spacijs breuioribus annos,  
At miseros, quales ignota per oppida viuit  
Exul agens, excedo Senex, ætate parentum  
Inferior longè, inquit: Et inclinatus, abivit.

Tam tibi parta quies, iam in limine portus, eraſq;  
Ifacide exilio felix, & inanibus Orbe  
Faucibus illatrante, penus vndantis acervo  
Diues abundabas; quodq; ipsa ægrefceret hospes  
Invida longinquo successu, Ægyptus habebat.  
Frumentis certè omnis opes impenderat omnes,  
Aggestas in fiscum, opera solertis Ioseph;  
Nec qua nunc aleretur egens ratione, videbat:  
Dum mutare cibus jumenta gregesq; coacta est,  
Ac tandem miseræ quoq; libertatis amorem;  
Ne spinis squaleret, inops ager omnis aratri.  
Iamq;, patet quacunq;, jugum acceptauerat ora:  
Sola Sacerdotum, quos horrea Regis alebant,  
Immunis restabat humus. Sed & illa perisset  
Victa situ subigente, rudi nisi semina vulgo  
Appensum citra precium data; jussaq; passim  
Arva coli, æstatem messe impletura sequentem:  
Sic tamen, vt regi inde, etiam longè vîq; minores  
Cederet ad seros retrò, pars quinta tributum.

Sic igitur placidi Israèl ope numinis, ibat  
Felici ad sua vota via; & tellure reperta

D

Lætatus,

Lætatus, serieq; nimis crescente nepotum  
Auctus, adhuc septem maturæ hyberna decemq;  
Transcendit vitæ. Qua deficiente, vocatum  
Summotis alijs, hac voce precatur Ioseph:  
Si qua mei vel cura tibi vel gratia, dextram  
Subde meo femori, juratus & audiat ævi  
Arbiter, huic non ossa solo mea danda: Sed ematis  
Maiorum tumulis, hinc mox ablata, quiescant.  
Dixit, eoq; citante Deum, devotus acerni  
In lecti latus imbre graui madida ora reflexit.

Morbo autem crescente, redit comite vsus vtroq;  
Natorum vates pius, & memori oscula tandem  
Ore petiturus suprema precesq; Parentis.  
Isq; toro erectus, dextræq; tenentis inhærens,  
Incipit his: Cùm luce Deus radiante pateret  
Ad Luzam terræ Chanaan, mihi fausta precatus,  
Addidit: Immensam, me multiplicante, plagamq;  
Hanc tradente tibi, condes in secula gentem.  
Ergo meum adventum ante, dedit quos optima partu  
Asenethe, quòd adopto meis, patiare; cteatos  
Dein alios habiture tibi, cognominis omnes  
Fraterni hæredes, adeundorumq; bonorum:  
Cùm fato prærepta Rahel, obituq; citato,  
Vere viatorem me, tunc Euphrate relicto,  
Destituens, & pauper vbi iacet Ephrata (Bethle  
Dicta aliàs) mihi prolem aliam, tumultata, negarit.

Sed quinam, quos cerno oculis liuentibus? Absint  
Actutum: Iam agnosco, meos agnosco nepotes,  
Ora ferant libanda mihi, repetenda nec vnquam.  
Cumq; sinu amplectentis eos demisset Ioseph,  
Suppliciter prolapsus humi; & dextrum ocyus illum;

Hunc

1767

1

Hunc læuam statuisse: Avus capita vtraq; tangens  
Blanda, decussatimq; manus errore libenti  
Permutans: Deus, inquit, Abræ, Isaacoq; vocari  
Consuetus sine fraude: Deus, qui matris ab aluo  
Eductum, hunc vel in vsq; diem, me fovit: In omni  
Auxilium qui clade mihi tulit, Angelus, ille  
Hos pueros ita dexter amet, quò nomen in astra  
Patris, avi, proaviq; ferant: Nec in Orbe fit vlla  
Gens vel honore prior, numerove nepotibus horum.

Orantis media orsa, Pater nimis æquus, Ioseph  
Excepit: manuumq; tuus mihi displicet ordo,  
Inquit; & has transferre locis conatus, ab ipso  
Arguitur: Scio, nate, scio. Sed & ampla propago  
Huius erit; veniente tamen longè antè minore:  
Fauista precaturus cuicumq;, vt vouerit omnis,  
Qualem Ephraim, experiare Deum, qualemq; Manasse.  
En obo, afflictosq; Deus post tempore longo  
Respiciet, reduce sq; dabit natalibus arvis:  
Ante alios quorum partem tibi destino, cæsis  
Victor Amorrhæis, gladio metuendus & arcu.

## X. MIRACVLVM.

*Iacob filijs in specie, cygnea quadam cantione, benè pre-  
catus: Rubenis tamen, Simeonisq; & Leui detestatus fa-  
cinora, tribubus populi futuri duodecim constitutis, mo-  
ritur, ungitur, & magnifico in terram Chanaan effer-  
tur funere. Sed & Ioseph fratribus ignoscit, demumq;  
atate confectus, diem suum obit.*

Hinc reliquis quoq; fata canens ventura, decenti  
Ordine continuat: Gravidæ tu sarcina matris

Prima Ruben, nec caussa patri postrema doloris,  
Lucina donante prior, majorq; tenendo  
Imperio; exicere cauæ de more paludis,  
Aufus adulterio patrium scelerare cubile.

Te quoq; cum Simeone Leui, duo fulmina belli,  
Dedignor: Quoniam furijs vltricibus acti,  
Flagrãstis maetare virum, immeritamq; procaci.  
Excidio dare deceptis cum ciuibus urbem:  
Dispersi, vesana locis simul aufa luatis.

Fratribus at venerande tuis celebrabere Iuda,  
Ceruices assuete manu domuisse rebelles.  
Ceu primo cum Sole, vagam speculatus ab antro  
Aut cervam, aut nondum lunata fronte iuencum,  
Erigitur stimulante fame, leo: moxq; cubili  
Profilit, & prædam petit vnguibus, atq; petitam  
Mandit hians, frendenq;, nec infatiabilis vllas  
Venantum agrestumvè minas, aut vulnera curat.  
Sceptra gubernantis non transcribentur Iudæ,  
Non eius folio cognati sanguinis hæres  
Defuerit, Siloh donec spes gentibus absit  
Publica: Pullum, asinamq; loco ad vineta flagellis  
Nate ligaturus dilecte, suamq; meraco  
Tincturus liquente stolam, & preciosa rubello  
Pallia: Sydereæ quàm scintillantia formæ  
Lumina dulce micant, quàm dentes lacte priores.

Zabulo littoribus navalia fixus amabit,  
Sidoniq; propinqua colet. Robustus asellus,  
Vix ipsi sibi notus, & errabundus in herba  
Issachar alludente, vtero tenus, vberis agri,  
Dorso onera adiicienda volens famulante subibit.

Iura dabit legesq; viris Dan, nemine fratrum

Inferior,

Inferior, colubri instar habens enorme, latentis  
Vepre, vias secus, atq; pedi insidiantis equorum,  
Incautos in terga datum resupina magistros.  
Quàm Deus ô, Heroa, meam suspiro Salutem.  
Huic socias effundet opes, ac magnus in armis,  
Angustat quâ turba globos, per tela, per hostes  
Ense ruet, campisq; dabit Gad funera victor.

Rura, nemus, fontes, & pinguia agrestis amabit  
Pascua, delicias quæsitum regibus, Aser.

Vt cervus populanda sibi expaciatus opacis  
In fata spelæis, postquam vestigia plantæ  
Pascentem ostendere, canum latratibus actus,  
Ingratis evadit agris, evadit & ipsis  
Arte plagis, celeri q; suis pede redditur umbris:  
Vis ita Nephthaliæ velox & gratia linguæ.

Iosephi sed Nate mei, tener ore, puellis  
Hostica jam te cerno metum per moenia, segnes  
Sollicites ne fortè procos trepidantibus, asper  
Attactu leo. Sæva parant dudum, acribus apti  
Missilibus, tibi bella: Tuus sed certior arcus  
Omne ferit, subigensq; tuis parit ocia terris.  
Sylva, solum, polus, vnda, torus, stabulum, uber, & im-  
Fundet opes tibi, dante Deo, promissaq; retró (ber  
Patribus, accumulante. Lupo demum, vndiq; caulas  
Tentanti insidijs frustrâ, dum manè reclusas  
Occiso pastore fores irrumpat, ouesq;  
Elifas premat; inde super cubet ore cruento  
Viscera, venturisq; satur semesa relinquat,  
Benaminem assimilâro: Tribus ita longa viritim  
Bis sex designans natorum in secla meorum.  
Nunc vnum superest, vt corpus inane sepulcro,

Quo Lia, Sara, Rebecca, Abraham, Isaacusq; , recondar.

Dixerat: & cum voce suas anima ibat in auras:

Quam, gelidi super ora ruens, suaq; imbribus implens,  
Et labris alterna premens, excepit Ioseph.

Succis inde rigat putres & roribus artus,  
Expectent vt triste decus, nèue antè fatiscant,  
Dum luctum minuente die longa, vltima dona  
In cineres dandi veniam deposceret aulam.

Rege igitur pandente viam, comitesq; suorum  
Primores Procerum admittente, equitesq; , rotasq;  
Præcipuè Ifacidum vulgo duce, flebilis ibat  
Pompa: morans dum staret ( vbi præpinguis Aradi,  
Trans placidas Iordanis aquas, jacet area ) septem  
Exequijs ingente dies plangore datura:

Vt nomen daret inde loco immortale colonus.

Et iam finis erat, tumulusq; tegebat avitus  
Ossa, revertentes timida cùm mente, vetustæ  
Offensæne fortè memor, malefacta referret  
Digna, vererentur, germano his vocibus instant  
Ifacidæ: Pater antè animam quàm redderet astris,  
Edidit hæc mandanda suo tibi nomine: Patrem  
Si fas est adhibere preces, rogo, contrahe fræna  
Vindictæ laxanda tuæ, & placabilis olim,  
Fraternam Fili culpam obliuiscere: Nosq;  
Des aliquid patrio, vnanimi ore precamur, amori,  
Ac famulis ignosce tuis. Ea verba locuti,  
Ad Fratris cecidère pedes. At fletibus ille  
Ora rigans, timidos animos hoc pignore firmat:

Bella Deo quis tuta movet? Vos fraude petistis  
Hoc caput, expedit laqueis fallacibus ille;  
Atq; malum meliore bono mutavit, vt istos

Aggre-



Aggrederer, tenebris famæ exoneratus, honores ;  
Et populis dubitata, salus constaret. Asylum  
Sic vestrum, fidatis, ero, dum vita manebit.  
Quæ certè sat longa fuit. Nam vidit utroq;  
Ex nato innumeros, & fratrum stirpe, nepotes,  
Annos post tergum centumq; decemq; relinquens.  
Queis vbi frigerent effoetæ in corpore vires,  
Extremo sermone suos affatus, & olim  
Ad Patribus promissa, Deo aspirante, professus  
Arua reducendos, Pharijsq; precatus ab oris  
Ossa sua asportanda, animam exhalavit, & artus  
Irriguos casia myrrhaq; , cõercuit vrna.

TER TII LIBRI  
FINIS.





Lit. lat. rec. / A. 112<sup>m</sup>

